



Broj: 01-503/25

Sarajevo: 26. 6. 2025. godine

Šemsudin Mehmedović

PRIMLJENO: 26-06-2025			
Organizaciona jedinica	Klasifikaciona oznaka	Redni broj	Broj priloga
01-	50-1-1493	25	

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

PREDMET: Zastupnička inicijativa kojom Predstavnički dom Parlamentarne skupštine Bosne i Hercegovine obavezuje Generalni sekretarijat Vijeća ministara Bosne i Hercegovine da Domu hitno dostavi podatke za pet korisnika službenih vozila Generalnog sekretarijata Vijeća ministara Bosne i Hercegovine kupljenih u 2023. godini, na način da se za svako pojedino vozilo navede marka i tip vozila, cijena vozila sa PDV-om, ime i prezime korisnika vozila, te pozicija korisnika vozila

U skladu s čl. 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 53/22, 59/23, 87/23, 50/24 i 73/24) upućujem zastupničku inicijativu,

Predstavnički dom Parlamentarne skupštine Bosne i Hercegovine obavezuje Generalni sekretarijat Vijeća ministara Bosne i Hercegovine da Domu hitno dostavi podatke za pet korisnika službenih vozila Generalnog sekretarijata Vijeća ministara Bosne i Hercegovine kupljenih u 2023. godini, na način da se za svako pojedino vozilo navede marka i tip vozila, cijena vozila sa PDV-om, ime i prezime korisnika vozila, te pozicija korisnika vozila.

Obrazloženje

Dana 27. 5. 2024. godine postavio sam konkretno i jasno zastupničko pitanje Generalnom sekretarijatu Vijeća ministara Bosne i Hercegovine – **“Ko su korisnici pet službenih vozila koja je 2023. godine kupio Generalni sekretarijat i platio čak 530.000 KM?”** Umjesto jednostavnog odgovora s traženim podacima, nakon čak tri mjeseca od dana postavljanja pitanja, dostavljen mi je odgovor u kojem su objašnjeni nebitni detalji, npr. ko ima pravo da koristi službena vozila, pa je čak navedeno i da „kurir-vozač“ ima pravo na vozilo.

Nažalost, ovakav odgovor generalnog sekretara Roberta Vidovića predstavlja očito nepoštovanje državnog zastupnika i Predstavničkog doma. Još je poraznija činjenica da je upravo takav odgovor usvojilo Vijeće ministara Bosne i Hercegovine. Uprkos urgencijama, ni nakon više od godinu dana nije mi dostavljen traženi odgovor.

Generalni sekretar Robert Vidović je uzeo sebi za pravo da ne dostavi tražene podatke, što je nedopustivo i nezakonito. **Prema mojim informacijama, Robert Vidović iako je državni službenik, sam je sebi omogućio da 24 sata ima na raspolaganju službeno vozilo u vrijednosti od 150 hiljada KM, te da ga koristi gotovo isključivo u privatne svrhe.**

Članom 6. Zakona o parlamentarnom nadzoru propisano je da zastupnici provode nadzor nad radom institucija Bosne i Hercegovine postavljanjem zastupničkih pitanja.

Zastupnici i građani Bosne i Hercegovine imaju pravo znati ko koristi skupa službena vozila plaćena javnim novcem, pa je stoga potrebno da Predstavnički dom obaveže Generalni sekretarijat Vijeća ministara Bosne i Hercegovine da hitno dostavi podatke za pet korisnika novih službenih vozila.

Članom 6. Zakona o parlamentarnom nadzoru propisano je da parlamentarni nadzor provodi Parlamentarna skupština Bosne i Hercegovine posredstvom svojih domova, a članom 7. stav 2. istog zakona, **utvrđeno je da se parlamentarni nadzor provodi radi preventivne zaštite od nezakonitog djelovanja.**

Na sjednicu nadležne komisije i sjednicu Predstavničkog doma na kojoj će se razmatrati ova inicijativa, u skladu s članom 11. stav 2. Zakona o parlamentarnom nadzoru, potrebno je pozvati Roberta Vidovića, generalnog sekretara Vijeća ministara Bosne i Hercegovine, da u okviru svojih ovlaštenja, pruži informacije vezano za inicijativu i odgovori na pitanja podnosioca inicijative, članova nadležne komisije i zastupnika na plenarnoj sjednici Predstavničkog doma.

Napominjem da je članom 11. stav 4. Zakona o parlamentarnom nadzoru propisano da je pozvano lice obavezno pismenim putem obavijestiti tijelo koje provodi parlamentarni nadzor o razlozima spriječenosti prisustvu najkasnije 48 sati prije početka sjednice.

S poštovanjem,

ZASTUPNIK PS BiH
Šemsudin Mehmedović

Dostavljeno:

- naslovu
- a/a